

奉天通志

第八函之一

奉天通志卷一百九

物產志

周禮東北曰幽州其山鎮曰醫巫閭其澤藪曰奚養其川河沛其浸菑時其利魚鹽此言奉省物產之最先者然猶兼齊魯言之爾雅石之美者有醫巫閭之珣玕琪此則專言奉省之物產矣奉省物產之最豐者首推穀類如菽俗稱大豆如稷俗稱高粱各縣產額以此爲鉅夫人而知之矣又如撫順西安之煤本溪鞍山之鐵甲於諸礦亦其倫類清代嘗稱人蔭鹿茸靱靱草爲關東三寶而高宗盛京土產雜詠中亦有人蔭及鹿茸雖爲藥材亦俗之最貴者已舊志有言遼瀋古稱上腴靈草嘉穀俊禽豐貂百物蕃昌備載蓋非夸辭爲金玉錫石之地昔爲厲禁而今則時入斧斤矣三

種四稷之宜昔未周知今已財阜人民矣居方辨物正德厚生豈可忽乎博稽縣志上徵前記補闕拾遺計得五目曰植物曰動物曰礦物曰庶物曰貢物比於圖經本草不厭求詳取法陸氏詩疏惟求覈實後之君子或有取焉述物產志第九凡得四卷

物產一 植物

植物上

穀屬

蔬屬

菌屬

瓜屬

果屬

穀屬

黍 周禮職方氏東北曰幽州其穀宜三種注三種黍稷稻今惟稻名與古同至黍稷則說者淆亂莫辨爾雅釋草粢稷郭注今江東呼粟爲粢左傳桓三年孔疏引舍人云稷粟也齊民要術引孫炎說同國語晉語韋注稷粱也本草陶弘景注汜勝之種

植書無稷有梁是稊依此諸說是西漢以後並以梁冒稷稊之

名故周禮大宰九穀先稷稊鄭注舉稊而遺梁其釋鍾氏丹稊

亦以爲赤粟粟卽梁也蘇恭唐本草謂稷卽稌則又以黍與稷

相混惟清程瑤田九穀考辨黍稷最爲精析段注說文稷卷七上

陳疏毛詩黍王離風及孫氏周禮正義均承用其說後雖有異者氏郝

爾雅義疏朱氏定聲終莫能易也其說黍云說文黍禾屬而黏者也

麋稌也謂黍爲禾屬而黏者非謂禾爲黍屬而不黏者也禾自

有黏不黏二種古今注禾之黏者黍亦謂之稌亦曰黃黍是謂

黍爲禾之黏者其不黏者卽禾矣大謬是故禾屬而黏者黍則

禾屬而不黏者麋對文異散文則通稱黍爾雅秬黑黍內則飯

黍稷稻粱白黍黃粱鄭注黍黃黍也經傳中見黑黍白黍黃黍

赤黍不見黑麋白麋黃麋赤麋是以知散文通稱黍也麋一曰
糴飯用米之不黏者黏者釀酒及爲餌資醅粥之屬故簠簋實
麋爲之以供祭祀故又異其名曰糴黍之不黏者獨有異名祭
尚黍也不黏者有麋與糴之名於是黏者得專稱黍矣黍有黑
黍白黍赤黍而獨無黃黍唯麋則類多黃者然則黃黍者麋也
糴也內則直呼曰黍今人乃以爲糴豈不謬哉武邑人呼黍之
米曰黃米麋之米曰糴米北方糴音相邇糴奪糴名承譌曰
久論者因謂糴糴一物而以黏不黏分黍糴失之矣說文麋糴
互釋糴齋互釋其爲二物甚明通藝錄十按程說是也今關內猶呼
黍曰黍子關外則無論黍糴統呼曰麋子去殼則黍曰大黃米
糴曰小黃米其種有黃白赤黑之別普通者爲黃黍其紅黍則

穀色黃紅米黃而皮厚白黍皮薄出米最多黑黍卽詩之秬穀
黑米黃富於黏性釀酒極佳又一種粒大如黍米白不黏俗呼
爲粳米香間有種者黃米之用甚廣爲飯爲饌爲餽爲酒爲醯
錦縣志興京志又謂其種有大白糜子黑糜子黃糜子紫籬頭糜
子大金黃糜子白粒糜子等名益信程氏之說爲不誤矣

稷

卽高粱又有蜀黍蜀秫蘆稭蘆粟木稷荻梁諸名

羣芳譜

西漢

以後均誤爲梁唐蘇恭本草又誤爲稭自程瑤田九穀考出而
論始定其說曰稷齋大名也黏者爲秫北方謂之高梁或謂之
紅梁通謂之秫秫蓋稭之類而高大似蘆月令孟春行冬令首
種不入鄭注舊說首種謂稷今以北方諸穀播種先後考之高
梁最先粟次之黍糜又次之然則首種者高粱也管子書日至

七十日陰凍釋而藝稷百日不藝稷鳳陽人云彼地種高粱最早
諺云九裏種伏裏伏管子日至七十日今之正月也余旁行
南北氣候不齊曾未聞有正月藝粱粟者至安徽藝粟遲至五
六月烏在其爲日至百日不藝也而高粱早種於正月者則南
北並有之故曰稷爲首種諸穀惟高粱最高大而又先種謂之
五穀之長不亦宜乎良耜詩箋云豐年之時雖賤者猶食黍疏
云賤者食稷耳大戴禮無祿者稷饋稷饋者無尸注云庶人無
常牲故以稷爲主今北方富室食以粟爲主賤者食以高粱爲
主是賤者食稷而不可以冒粟爲稷也凡經言疏食者稷食也
稷形大故得疏稱又云穀譜蜀黍一名高粱一名蜀秫一名蘆
稌一名蘆粟一名木稷一名荻粱以種來自蜀形類黍稷故有

諸名余每遇蜀人輒叩之則云彼土最宜稻高粱惟高岡種之
專用以造酒謂其味濇民俗不食夫苟爲彼地之種其民安得
不食今乃苦其濇而不以作飯而直隸山東山西河南陝西爲
種之來自彼地者反爲賤者之常食此事之必不然者也且種
來自蜀之說考之傳記未有確證知其爲臆說不足憑矣余意
蜀黍爲秫之緩聲秫爲蜀黍之合聲黍類之大者名蜀黍猶葵
類之大者名蜀葵故爾雅釋獸曰雞大者蜀釋草呼蜀葵爲戎
葵釋詁戎大也按瀋陽志云高粱有紅黃白黑諸種白者尤珍
收穫量不如紅黃之豐而價頗昂城西各村多種者錦縣志云
可作餠煮粥亦可養畜莖可織箔編席夾籬供爨梢可作帚殼
可釀酒有利於民者最溥縣產諸穀以高粱爲大宗種類頗繁

名稱各異有大葉青平頂香黃窠笨紅窠笨郁李紅老呱窠大蛇眼等種皆宜窪地又黑殼米白者曰喜鵲白亦宜窪地小蛇眼歪脖張黃窠圓黃窠白等種皆宜高地又一種早高粱名豬翹腳莖幹不高收穫最早又一種名料高粱不堪作飯只以飼畜登場脫穗者曰高粱曰紅梁舂簸去糠者曰秫米稗曰秫稽梢曰箭桿相承已久蜀黍之稱土著知者百無一二稽可造紙

遼陽志

遼河流域最宜安東種者較少

安東志

入麴蒸酒卽古燒春

也

鎮東志

秫 卽蜀黍之黏者盛京通志曰一種殼黃一種殼黑與蜀黍無異但性黏又一種笞帚黍性亦黏穗長可爲帚錦縣志曰有黃殼黏紅殼黏馬尾黏瞎半升等種俗呼爲黏秫米興京志謂似

蜀黍而柔粉可製饊餌有紅黃白黑四種

梁 米名也从米梁省聲按卽粟也糜也芑也曲禮梁曰薌苳

說文

通訓定聲

梁較穀米粒大兼有黃白青赤諸色白梁卽詩經之芑赤

梁卽爾雅之𪔐今統曰梁粟新唐書黑水靺鞨傳有粟麥按古以米之有稃殼者爲粟今以穀之最細而圓者爲粟穀曰飯穀米曰小米考周禮九穀六穀有梁無粟則梁亦粟也今之小米色黃卽黃梁也奉天錦州以此充賦八旗以上之官舊通志穀米有大小二種最大者曰沙穀粒稍尖者名芝麻穀

盛京通志

粒小

於稷苗分青紅二種

莊河志

爾雅翼曰黃梁麤大毛長穀米俱麤

於白梁而收子少不耐水旱食之香味逾於諸梁號爲竹根黃白梁穗大毛多而長米白且大其香爲黃梁之亞廣志曰遼東

赤梁魏武帝以爲御粥縣產有名梁穀者其穗仰而不垂米白而粒圓者曰梁穀米粒長者曰芝麻梁又一種粒大米白曰稷米香其黃穀有金棒槌紅根緊穗老虎爪諸名白穀有尖穗齊穗繩緊六棱刀靶齊鴨子嘴壓破車諸名紅穀莖稈芒穀皆紅而米白一種名六十日還家收穫較他穀最早又名快穀又別有一種名稷穀其米青白色穀穗皆有芒聞亦有無芒者

錦縣志

葉細而尖穗有芒俗分三種穗有歧者曰龍爪穀粒大者曰白沙穀葉老則紅者曰老來變

鳳城志

禾稈俗呼穀草可用爲芻亦

可苫屋

瀋陽志

種色甚多有宜早宜晚之分安東土質不宜

安東志

稻

新唐書渤海傳有盧城之稻按稻卽詩之稌有紅白二種出

遼陽者色微青味尤香美號遼陽青

盛京通志

說文秔稻屬也李時

珍曰秔有水旱二種南方土下泥塗多宜水稻北方地平惟澤

土宜旱稻

錦縣志

近年水利局試種於附郭收穫頗豐

潘陽志

松樹

驛一帶水產者爲佳

復縣志

有紅白二種向惟種於陸地名旱秔

子自高麗傳種水稻之法始開畦引水試種獲利頗巨熟有早

晚之分早者立秋晚者白露

鳳城志

向無種者近引洮河灌溉所

產粒白質腴

洮安志

旱稻 內則淳熬煎醢加于陸稻上沃之以膏曰淳熬疏陸稻者

謂陸地之稻也

禮記疏

旱稻用下田白土勝黃土

齊民要術

關左地廣

土厚穀類最繁稻梁俱有稻俗呼曰稭字一作秔黏稻呼曰糯

子一作稭無水稻惟有陸稻其類不一惟呼黏者曰黏稭白稭

皮者曰白稭紅稭皮者曰紅稭而已無他異名

毛詩

其種有光

頭紅毛金縷大青毛等名桃花米爲清代貢品遼陽志產於奉天

者獨遼陽有名新民志

黏稻 卽稷俗作糯米亦稱江米性黏味甘香歲有常賦內務府亦

以供祀按黏稻可釀酒亦可爲糲糲糯粳粳等食所用頗贍漚爲

早米粉食品尤珍盛京通志穀有紅白二種或有毛或無毛其米亦有

赤白二色赤者酒多糟少一種粒白如霜長三四分錦縣志

小麥 北史勿吉傳土多粟麥稌按小麥卽詩之來盛京通志小麥分

赤白二種邑西窪地多種者遼陽志

大麥 卽詩之牟奉天錦州大小二麥夏無霧雨則收盛京通志分有

芒無芒二種新民志小麥食法極多大麥只可作飯作麴及飼馬

之用邑西窪田多種者遼陽志二麥均清明種初伏收收後或種

萊菔或種白菜或種蕎麥亦有初種時於隴溝種豆者

鐵嶺志

穬麥 有二種一類小麥而大一類大麥而大又名春穬亦呼黃

稞形狀與大麥相似但皮厚色青麥麩脆硬

廣羣芳譜

黑龍江多種

之呼鈴鐺麥

盛京志

鈴麥卽穬麥也類大麥其穗散而下垂如鈴

故呼爲鈴鐺麥

安圖志

近種者少

遼陽志

穬麥似大麥而大土人與

稗米作飯頗華潤名玲璫麥

扈從日錄

大豆 古謂之菽今分黑白黃褐青斑諸色旗地及民丁賦用黑

豆

盛京通志

縣產種類最多黑者曰黑豆又名烏豆有大烏小烏之

別味苦不可食稻者入藥名稻黑豆白者俗稱白眉豆黃者俗

稱金黃豆青者俗稱青皮豆

遼陽志

褐者形扁俗名磨石豆黑者

名黑豆皆作牛馬飼料青者名大粒青四粒青紅毛青兩粒青

白者名大白眉黃者名四粒黃黑壳黃小金黃

鐵嶺志

有黃臍白

臍青皮子天鵝蛋諸名又一種名虎皮豆一種名菜生子有黃

白二色又一種青皮青仁名青黃豆一種黑皮青仁名青瓢子

錦縣志

分黃白青褐諸色爲農產大宗

瀋陽志

小豆

有黧白赤黃黑數種赤者入藥

盛京通志

廣雅小豆荅也羣芳

譜曰苗高尺許葉本大末尖至秋開花淡銀褐色有腐氣莢長

二三寸比綠豆莢稍大微白帶紅三青二黃時卽收之可煮可

燭可粥可飯可作麪食餡按小豆有黧白赤三種一種極白者

名象牙白又有紅花臉子紅小豆黏小豆種種名稱亦有土黃

色者皆食品惟緊小赤黯色者入藥其稍大而鮮紅淡紅者仍

食品也

錦縣志

爲造酒麴原料亦可爲粉

瀋陽志

農人多於高粱空

種之

台安志

綠豆 粒粗而深綠者爲上粒潤而淡綠者次之

盛京通志

本草綱目

李時珍曰綠以色名也舊作菉非三四月下種苗高尺許葉小而有毛至秋開白花莢如赤豆莢粒麤而色鮮者爲官綠皮薄粉多粒小而色黯者爲油綠皮厚粉少早種者呼爲摘綠可頻摘也遲種者呼爲拔綠一拔而已北人用之甚廣可作豆粥豆飯豆酒燭食麪食磨而爲麪澄漉取粉可作餌蒸饊盪皮搓索爲食中要物以水浸溼生白芽又爲菜中佳品牛馬之食亦多賴之馬志曰圓小者佳大者名植豆羣芳譜曰其色鮮者又名明綠色黯者又名灰綠今俗呼色鮮者爲鸚哥綠色黯者爲胡綠

較大豆粒小而圓與諸色大豆形性俱不同種者較大

錦縣志

植物上 穀屬

豆少

遼陽志

農人多於田畔種之

台安志

豌豆

爾雅謂之戎菽遼史謂之回鶻豆今有大小二種

盛京舊志

作豈一名胡豆一名戎菽一名回鶻豆一名青小豆一名青斑

豆一名麻累一名淮豆一名國豆本草綱目李時珍曰胡豆豌豆

也其苗柔弱宛宛故得豌豆蠶豆皆有胡豆之名爾雅

戎菽謂之荏菽郭注卽胡豆也邢疏管子北伐山戎出冬葱及

戎菽布之天下今之胡豆也唐書畢豆出回鶻地飲膳正要張

揖廣雅畢豆豌豆留豆也別錄序例云丸藥如胡豆大者卽青

斑豆也孫思邈千金方云青小豆一名胡豆一名麻累鄴中記

云石虎諱胡改胡豆爲國豆羣芳譜曰種出西戎蔓生有鬚葉

似蒺藜兩兩相對嫩時可食三四月開小花如蝶形淡紫色結